

**ILASSUTITUT ISUMALIUTISSIISSUT**

**Uunga siunnersuut: Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut inatsisaat nr. xx, xx. xxx 2020-meersoq.**  
*Inuussutissarsiornermut Aatsitassanullu Naalakkersuisumit saqqummiunneqartoq*

**pillugu**

**Inuussutissarsiornermut Aatsitassanullu Ataatsimiititaliap**

**siunnersuutip pingajussaaneernejarnanut**

**ISUMALIUTISSIISSUTAA**

Ataatsimiititaliap suliarinninnermini inuttarai:

Inatsisartunut ilaasortaq Henrik Fleischer, Siumut, Siulittaasoq  
Inatsisartunut ilaasortaq Sofia Geisler, Inuit Ataqtigiit, Siulittaasup tullia  
Inatsisartunut ilaasortaq Hermann Berthelsen, Siumut  
Inatsisartunut ilaasortaq Rachel H. Ingemann, Demokraatit  
Inatsisartunut ilaasortaq Bo Martinsen, Demokraatit  
Inatsisartunut ilaasortaq Aqqalu Jerimiassen, Atassut  
Inatsisartunut ilaasortaq Tillie Martinussen, Suleqatigiissitsisut

Siunnersuut pingajussaaneerinninneq sioqqullugu nutaamik suliaassanngorlugu aappassaaneerinninnermi ataatsimiititaliamut innersuunneqaqqippoq.

**Siunnersuutip Inatsisartuni aappassaaneernejarnera**


Naalakkersuisut aappassaaneerinninnermut akissuteqaammik nassiussaqaarsimanngillat. Tamanna tungavigalugu Naalakkersuisup oqaaseqaatinut apeqqutinullu aappassaaneerinninnermut isumaliutissiissummi allassimasunut oqaasiinnartigut akissutaasa tamakkiisumik tutsuiginarneri pillugit qularutiginnilersitsivoq.

Naalakkersuisut tamatuma kingorna oqaaseqaatinut apeqqutinullu allakkatigut akissummik ataatsimiititaliamut nassiussaqaarput. Akissut ilanngussaq 1-itut ilanngunneqarpoq. Akissut ataatsimiititaliamit tusaatissatut tiguneqarpoq annerusumillu oqaaseqaateqarnissamut tungavissiinani.

**Ataatsimiititaliap inassuteqaatai**

**Ataatsimiititaliap isumaqatigiittup** siunnersuut **akuersissutigineqassasoq** inassutigaa.

Ataatsimiititaliap taamak oqaaseqaateqarluni isumaliutissiisummilu allassimaneratut paasinnilluni siunnersuut pingajussaaniigassanngortippaa.



---

Sofia Geisler  
Siulittaasup tullia




---

Henrik Fleischer  
Siulittaasoq



---

Hermann Berthelsen



---

Rachel H. Ingemann




---

Bo Martinsen



---

Aqqalu Jerimiassen



---

Tillie Martinussen



Ilanngussaq  
Bilag

1

Inatsisartut  
Inuussutissarsiornermut Aatsitassanullu Ataatsimiititaliaq

**Uunga siunnersuut: Unammilleqatigiinneq pillugu inatsisartut inatsisaata  
allanngortinneqarnera pillugu Inatsisartut Inatsisaat nr. xx ulloq xx. xxx  
2020-meersoq. UKA2020/190**

28-10-2020

Sagsnr.

2020 - 13095

Postboks 1601

3900 Nuuk

Tlf. (+299) 34 50 00

E-mail: [isiin@nanoq.gl](mailto:isiin@nanoq.gl)

[www.naalakkersuisut.gl](http://www.naalakkersuisut.gl)

Uunga siunnersuut: Unammilleqatigiinneq pillugu inatsisartut inatsisaata allanngortinneqarnera pillugu Inatsisartut Inatsisaat nr. xx ulloq xx. xxx 2020-meersup aappassaaneernissaanut Inuussutissarsiornermut Aatsitassanullu Ataatsimiititaliap isumaliutissiissutaani siunnersuutip akuersissutiginiissaa ataatsimiititaliamit akерliusoqarfingeqanngitsoq inassutigineqarpoq. Siunnersuutip aappassaaneernerani isumaliutissiissummi ilaatitanik Naalakkersuisunut inassutit apeqqutillu erseqqinnerusumik akissuteqarfiginissaat pissarsiare-rusunneqarput. Taamaattumik pingajussaaneerana sioqqullugu siunnersuut ataatsimiititaliamik oqaluusereqqinneqassasoq inassutigineqarpoq.

Siunnersuutip pingajussaaneerana sioqqullugu ataatsimiititaliap oqaluuserinneq-qinnissaanut atugassamik isumaliutissiissummi inassutit apeqqutillu saqqummi-uneqartut matumuuna qaammarsaaviginiassavakka.

*1. Kattunermik nakkutilliinerni killiliussat nalingi*

*Killiliussat nalingi aalajangersarneqarsimasut naleqqussassanersut Naalakkersuisunit nalilersorneqartuartassasut ataatsimiititaliamit naatsorsuutigineqarpoq.*

**Akissut**

Siunnersuummi tamanut ammasumik tusarniaassutaasumi aningaasat killingat aallaqqaataatigut 100 mio. kr.-nit 25. mio. kr.-nut allanngortinneqassasoq siunnersuutigineqarpoq, suliffeqarfinni peqataasunit minnerpaamik marluk tamarmik immikkut nunarsuarmi minnerpaamik 10 mio. kr.-nik kaaviiartitaqassallutik.

Tusarniaanermi GrønlandsBankenimit aamma Kalaallit Nunaanni Sulisitsisut Peqatigiiffiannit (Grønlands Erhverv, GE-mit) isornartorsiutit takkupput. Siunnersuummut oqaaseqaatini tusarniaanermut immikkoortorta q innersuutigineqarpoq.



Tusarniaanermik tunngaveqartumik siunnersuut imatut iluarsineqarpoq tamaallil-luni maannakkut aningaasatigut killissarititaq attatiinnarneqassalluni. Taamaat-torli nunami namminermit kaaviiartitsinermit sammisarisamit nunarsuarmi kaa-viiaartitsinermit taaguusersuummut sammisaqartunngortillugu kaaviiar-titsinermit taaguusersuuterpiaq allangortinneqarpoq. Nunat killeqarfiinik qaangiillutik suliffeqarfiit suliarisaannik allannguut sianiginnippoq. Kalaallit Nunaata avataani suliffeqarfiup kaaviiartitai Kalaallit Nunaanni suliffeqarfiit suliarisaannut pingaaruteqarput. Aammattaaq taamaallaat Kalaallit Nunaanni niuffaffinnik sunniuteqartuusut kattunnerit kattunnernut malittarisassanut ilaatinneqarnissaat qularnaarniarlugu suliffeqarfinni peqataasuni taakkunani min-nerpaamik ataatsip Kalaallit Nunaanni inissisimanissaa pillugu piumasaqaatip eqqunneqarnissaa siunnersuutigineqarpoq.

Killiliussat nalingisa naleqqussarnissaannik pisariaqartitsineq Naalackersuisut nalilersortuarniarpaat.

## *2. Nalunaarutiginnittarnernik aaqqissuussinerit (whistleblowereqarnermik aaqqissuussineq)*

*Naalackersuisut ataatsimiititaliamit kaammattorneqarput innuttaasut nalunaarutiginnittarnernik aaqqissuussinerit assigiingitsunut piusunut - si-unissamiluunniit piulersinnaasunut - saaffiginnissinnaanerannik sapinngisamik piuminarsaasinnaanermik isumaliuteqassasut. Assersuutigalugu sullissivik.gl. aqqutigalugu aaqqissuussinerit assigiingitsut pillugit tamakkiinerusumik paasisa-qarsinnaanermit pilersitsisoqarsinnaaneq isumaliutigineqarsinnaavoq.*

### **Akissut**

Saaffiginnittup tamakkiisumik kinaassutsiminik isertuisinnaanerannik qularnaariniarluni IT-mi sakkorisat sukumiisumik isumaliutiginnissaat pingaartuuvoq. Tamatumunnga atatillugu saaffiginnittup kinaanera pillugu tunuliaqutaasut paasisutissaasunik tamakkuninnga allaat aqutsisoqarfiup pissarsiaqarsinnaanngiffigisaanik aaqqiissummik Atuisartoqarnermut Unammilleqatigiinnermullu Aqutsisoqarfik aalajangiussaqaarsimavoq.

Namineq pigisatut Nem-Id'ummik allatulluunniit kinaassutsimut paasisutissat atorlugit iserfigisinnaasatigut aaqqiissut killup-tungaanut sunniuteqartitsissaaq.

Taamaattorli siunissamut tunngatillugu pisortat ataatsimoorussaattut iluarsii-summik isumaliuteqartoqarsinnaavoq, assersuutigalugu nalunaarutiginnittarnernik aaqqiissutit (whistleblowerit aaqqiissutit) pillugit oqartussaasoqarfiit arlallit suleqatiginnissinnaallutik. Taamaattorli aaqqissuussap taama ittip innuttaasunut paasisutissiisarfinnut allamut, saaffiginnittup kinaasutsiminik isertuussinerminik annasaqarfigisaanut akulerunneqannginnissaa

pingaartuuvoq. Piffissami takkuttumi unammilleqatigiinnermik suliassaqarfimmit misilittagatsialannik iluaqutigisassatsinnik katersisinnaavugut, tamatumalu kingornatigut suliap ingerlateqqinneranut misilittakkat tamakku atorlutigit.

### *3. Siunnersuutip aningaasaqarnikkut kingunissai*

*Namminersorlutik Oqartussat nalunaarutaanni naatsorsueriaatsimut aningaasanillu annertussusiliinermut tunngavissisinnaasumik kattunnernik ingerlanneqarsimasunik misissuinernik maanna misilittagaqartoqalereersimansoq paasissutissiissutigeqqullugu Naalakkersuisut ataatsimiititaliamit qinuiqineqarput.*

#### **Akissut**

Kattunermut malittarisassiat nutaat ulloq 1. juuli 2014-imili atuutilermatali kattunermik suliassani marlunni aalajangiisoqarsimavoq. Taamaattorli kinguneqartitsisussatut misilittagatsialaat maannakkut aalajangiunneqareersinnaapput, matumanilu naatsumik erseqqissassavakka.

Unammilleqatigiinneq pillugu Inatsisartut inatsisaat malillugu suliffeqarfiit kattunernannik nalunaaruteqartarnek pillugu Namminersorlutik Oqartussat nalunaarutaat nr. 3, 10 marts 2016-imeersumi akitsuutit inatsisilersugaapput. Taamaalilluni akitsuut allannguutissatut siunnersuummut matumunnga atatillugu allanngortinneqanngilaq. Taamaattorli ataatsimiititaliaq akitsuutinik misilittagaasunik paasisaqarusussimmat allakkatigut makkunuuna sammisaq tikissavara.

Siunertamat akertiullutik siunnersuummi oqaaseqaatit imatut paasisaqartitsisinnaapput 50.000 kr.-nut taakkununnga ilanngussaqaqlutik suliffeqarfiit kaaviiartitamik 0,015 %-iannik akitsuutit akiliuteqassanerannik. Taamatut pisoqassanngilaq. Nalunaarummi nalunaaruteqarnerit pisariillisakkat aamma nalinginnaasut immikkoortinneqarput.


Nalunaaruteqarnermi pisariillisakkami suliassamik isumaginninneq nalinginnartut nalunaaruteqarnermut naleqqiullugu tamatigoortutut annikinnerusarpoq. Taamaattumik pisariillisakkatut nalunaaruteqarnerup aalajangersimasutut akitsuutit 50.000 kr.-tut ilusilerlugu akikinnerunissaa isumaavoq. Nalinginnartut nalunaaruteqartarnermi akitsuummut taarsiullugu suliffeqarfiit kaaviiartitaanit procentit akigititaq (0,015 %) akitsuutit akileqquneqartarpoq.

Kaaviiartitanit 0,015 %-it 50.000 kr.-nut naleqqiullugit annikinnertut aningaasartaqarfisaaanni ilusaasup pitsaanerpaasuunnginnera misilittakkat takutippaat. Taakkunani nalinginnartut nalunaaruteqarnermut akitsuut pisariillisakkatut nalunaaruteqarnermut naleqqiullugu akikinnerulerpoq. Taamaalilluni suliamik isumaginninnerup annertussusaanut akitsuut naleqqutinngilaq.

Manna tikillugu maannakkut killissarititani qaffasinnerpaaq 1,5 mio. kr. atugaasimannilaq. Akiligassanut killissarisaaq suliffeqarfimmut angingaatsiartunuinnaq atuuttussaassaaq, taamatuttaarlu kattunermik suliassaaq qaqutiguunngitsukkut paasiuminaallunilu isumalluutinik atuiffiusutut suliarisasaasassalluni.

Killigititamik qullermik angusaqarniaraanni suliffeqarfik imatut kaaviiartaqassaaq 0,015 %-it 1,5 mio. kr.-ussallutik. Katilluni nalinga tassaassalluni 10 mia. kr. Taamaalilluni qaqutigorluinnaq pisuni qullertut killigititap anguneqartarissaa naatsorsuutigineqarpoq. Suliarisani amerlanerpaarpaani qullertut killigititap atorneqartanngikkaluartoq qullertut killigititap attannissaa tulluarpasittuuvoq, taamaalilluni inuussutissarsiorfik naammaginartumik najoqqutassaqaartitaasamat.

Inussiarnersumik inuulluaqqusillunga



Jens-Frederik Nielsen